



言情小說

程瞻廬

吾一着筆卽有一妙齡女郎冉冉由毫尖而出露色相於紙片之上女郎之柔情嬌態洛神一賦所不能描比紅百詠所不能盡上自堆雲之髻下至凌波之襪靡一不媚而尤媚者在眼角在頰渦眼角貯萬千情愫頰渦堆萬千歡愛女郎生十七年矣自墮地以迄今茲何時不媚而今日之媚尤爲絕後空前之媚朱鳥窗前正披閱意中人之紅鯉書一字中含有一個銷魂使者可可芳心引起充分之希望而眼之角頰之渦乃一一呈露充分之媚態夫此充分媚態畢竟媚至若何程度則閱我小說者止可閉目凝神於無字中求之吾固乏此寫生媚筆爲之傳神於阿堵中也

女郎者吳郡朱綺雲也新畢業於女子中學受憑之日玉貌綺年出現於講壇之上清辯滔滔演講學藝壇下賓朋士女參半視綫電飛掌聲雷動全校生徒受憑者可二十人而來賓腦蒂中獨深印一朱綺雲之小像目逆而送之曰美而豔同式之讚美出於異式之口吻無何蹇修登朱氏門願作紅絲之繫者踵相接袂相屬也綺雲少孤又鮮兄弟祇此掌上一顆珠爲母氏所鍾愛母聞媒氏言不自決決之於女女輒落落鮮許可蓋綺雲之擇婿條件出於嚴格非輕易所能中選貌也才也財也三者固不可少而尤以一情字爲前提綺雲之言曰貌豐而情齷則潘安卽醜奴也才優而情劣則子建卽傖夫也財厚而情薄則石崇卽鬻子也魚玄機有言易求無價寶難覓有情郎惟天下有情人乃成眷屬不爾儂願以丫角終矣媒氏微聞此言則又紛紛來撮合不曰某氏子情重如山卽曰某姓郎情深如海究之如山如海云者不過架舌上之蜃樓開唇邊之海市愴况



無據何足動綺雲之聽。綺雲慨然曰：擇婿當自放眼光焉。用他求方今世界文明男女社交公開，誰爲有情人？察言觀色，自易了了。阿儂一雙眸子，固情場中之試金石也。於是社交公開之結果，綺雲所屬意者有二人：一曰蕭錦士，一曰何夢霞。蕭與綺雲有葭莩親，夙通往來，而夢霞則爲綺雲之新友。友雖新也，而一見如舊，相識肝膈之言，靡不披露。於是亦引爲生平知己。蕭與何年相伯仲，貌相瑜亮，學問與財產又五雀六燕，難分軒輊。綺雲屢以試金石之眼光試二人之情，蕭固有充分之愛情，何亦有逾度之愛力。魚與熊掌孰舍孰取，而試金石之炯炯雙眸移作愛情天平之用。蕭雖富於情，而與言情，情慄慄不出諸口，何則？一涉情字，輒將生平儲蓄之愛情傾筐倒篋而出之。綺雲之眼光中，似乎何郎佳也，因以語母。母曰：以吾觀之，蕭生佳也。年甫弱冠而舉止若老成人，決其非負心漢。綺雲曰：母勿輕下斷語，愛情之成績表須臾至矣……綺雲曷爲作此語？因一昨遊盛氏留園，邂逅蕭生。蕭向之乞婚，綺雲曰：君果有意於儂，明日第以書來自白其愛情之程度，屆時再當報君以可否。未幾又與何生遇，亦向綺雲乞婚。雲卽以語蕭者語之，屈指今朝此一對意中人，當各以乞婚書至。卽所謂愛情成績表也。候至亭午，蕭書先至，書中略言：卿果應我請求，我當掬此熱忱與卿，始終相愛，歷久弗忘。綺雲一笑置之，曰：此浮光掠影之情，愛語何能中人心坎？俄焉何書亦至，一讀而柔情脈脈，再讀而芳心可可，三讀而絕後空前之媚態，乃亦傾筐倒篋，呈露於眼角。頰渦之間，吾書第一段云云：正綺雲女士三復何郎乞婚書時也。

何生之乞婚書以綺雲試金石之眼光觀之，固語語由肺腑流出，絕不作浮光掠影之談。者書中略言：卿之一字，許諾比諸皇帝冕上之寶石，驪龍頷下之明珠，尤爲寶貴萬倍。又言：卿許我，則吾二人之愛情當如膠之黏漆，之灑鹽之入水，醍醐乳酪之相滲合。又言：卿者照我命運之明星也，導我靈魂之燈塔也。司我生命之北門鎖鑰也。海可枯，石可爛，太陽可以失其光熱，地球可以使之粉碎。惟我愛卿之真情，則爲億萬千年之結晶品，永永無破壞之日……此書洋洋可千餘言，上文所述特其



打動綺雲心坎之警策語耳。綺雲以書示母曰：此一百分之愛情成績表也。多情如何？郎蔑以加矣。於是何朱兩姓之姻緣，賴此一封信而立時牌合。

銀河誓密金縷情深，夢霞與綺雲鸚鵡。今而後喜可知也。此一幅百分愛情成績表，綺雲襲以文錦，繫以朱絲，貯以旃檀之匣，留為甜蜜之紀念品。然而情場失敗之蕭錦士，平生希望悉成泡影，則鬱鬱致疾，幾以是殞其軀。歷半載而始起，父母慮錦士重為情絲所縛，不能擺脫，則亟為之訂婚授室。所娶婦亦娟娟可愛，特稍遜於綺雲耳。定情之夕，錦士謂婦曰：吾向掬滿腔愛忱以贈綺雲，而綺雲不我受。今則已矣，吾當移愛雲之心以愛卿。婦笑應曰：諾。忽忽三四年，伉儷之情有加無已。人皆謂蕭錦士真情種也，而夢霞與綺雲何如者？

什襲而藏之，愛情成績表封識猶新。而夢霞之態度則大變，新婚甫半載，又以其情書之副本嘗試於他女郎。蓋夢霞實一登徒子，得新忘舊，是其長技。盈篇累牘之情愛語，尤其尋芳獵豔之利器也。傷哉綺雲，試金石之眼光，乃誤賞此贗鼎，忍至萬無可忍。雙方律師宣告離異，綺雲乃依母家以終老。騰沸如瀦之愛情，永永化為冰塊，因投昔日夢霞乞婚書於爐火，曰：此毒柬也。儂之一生幸福，為此束茶毒盡矣。須臾爐中縷縷起青煙，而此一幅百分愛情成績表，乃立化為灰燼。



偵探小說

鄭逸梅

著者曰：予友薩司倍痕脫醫士也。素負時譽，齒尊學亦淹博，足稱醫界泰斗。常據科學理，診斷各症，百無一謬。盛名洵非倖得。